

## Saksprotokoll i Hovudutval for kultur, idrett og integrering - 17.02.2021

**Geir Kjell Andersland (V)** sette på vegner av A, MDG, Sp, SV og V fram slikt forslag:

«Alternativt punkt 3:

Fylkestinget ber administrasjonen om å vidareutvikle ein heilskapeleg regional museumspolitik. Dette må skje i samband med den komande stortingsmelding om museum og arbeidet med regional kulturplan."

Geir Kjell Andersland trakk sitt forslag.

**Stian Jean Opedal Davies (A)** sette på vegner av A, MDG, Sp, SV og V fram slikt forslag:

Alternativt punkt 5:

"Fylkestinget ser at museene i Hordaland har et prekært behov for nytt fellesmagasin. Fylkestinget ber fylkesrådmannen utrede alternativer for organisering av bygging og eierskap av et framtidig museumsmagasin. Det bes om utredning av følgende:

- Vestland fylkeskommune som eier og byggherre av magasinet.
- Museene og eventuelt andre aktører som eier og byggherre av magasinet.
- Eventuell annen eierform og/eller byggherremodell.

I utredningen må det gjøres rede for økonomiske konsekvenser av de forskjellige eierformene (herunder også eventuelle muligheter for momskompensasjon o.l), konsekvenser for prosjektstyring og økonomistyring, krav til kompetanse og andre spørsmål som måtte være relevante for prosjektet."

**June Vibecke Knudtsen Indrevik (H)** sette på vegner av H og U fram slike forslag:

«Alternativt punkt 3:

Fylkestinget ber administrasjonen om å komme tilbake med framlegg til ein ny heilskapeleg regional museumspolitik. Dette må skje i samband med den komande stortingsmelding om museum og arbeidet med regional kulturplan.»

«Tillegg punkt 9:

I lys av koronapandemien og usikkerheita det har medført og vil medføre framover for sektoren, vil fylkestinget oppmode om at musea framover fokuserer på å styrke den digitale formidlinga, styrking av fagkunnskap og korleis ein kan halde fram med å nå breiare ut til publikummet i heile Vestland.»

«Alternative punkt 1,2 og 3:

Følgande forslag til nytt punkt 1 og 2 i innstillingen, slik at innstillinga sitt punkt 2 blir punkt 3 - og dermed at det foreslåtte punkt 3 frå posisjonen dermed blir punkt 4

1. Fylkestinget vil prioritere musea som viktige regionale kulturinstitusjonar.
  2. I tett samarbeid med staten og kommunane vil fylkeskommunen arbeide for en berekraftig museumssektor i Vestland. Ein legg til grunn at staten tek hovudansvaret for drift og investeringar.
  3. Fylkestinget er uroa for den økonomiske situasjonen i institusjonane, og krev at statleg skeivdeling mellom musea i Vestland og andre deler av landet vert retta opp.
- Punkt 4,5,6 og 7 i innstillinga blir da punkt 5,6,7 og 8.»

**Knut Inge Andersen (FNB)** sette på vegner av FNB og U fram slikt forslag:

«Alternativt punkt 5:

Fylkestinget ser at musea i Hordaland har eit prekært behov for nytt fellesmagasin. Fylkestinget ber musea innan utgangen av 2021 samarbeide om å leggje fram ulike alternativ for organisering av bygging og eigarskap av eit framtidig museumsmagasin. Dette kan til dømes vere: • Vestland fylkeskommune som hovudeigar og byggherre av magasinet. • Musea og eventuelt andre aktørar som hovudeigar og byggherre av magasinet. • Eventuell anna eigarform og/eller byggherremodell. Det må gjerast greie for økonomisk modell for dei ulike løysingane, inkludert prosjektstyring og økonomistyring, krav til kompetanse og andre spørsmål som måtte være relevante for prosjektet."

**Terje Kolbotn (R)** sette fram slikt forslag:

«Alternativt punkt 5:

Fylkestinget ser at musea i Hordaland har eit prekært behov for nytt fellesmagasin. Fylkestinget vil ta eigar- og utbyggjingsansvar for prosjektet i samarbeid med musea. Dette gjeld og arbeid med søknader til stat, kommunar og andre om økonomisk støtte til realisering av tiltaket.»

### **Avrøysting**

Indrevik sitt forslag pkt. 1,2 og 3 fekk 5 røyster (U, FNB, H, PP) mot 10 røyster og fall.

Innstillinga pkt.1,2 vart vedteke med 13 røyster mot 2 røyster (U, H - Sæle).

Indrevik sitt forslag pkt. 3 vart samrøystes vedteke.

Innstillinga pkt. 3 fall mot 15 røyster .

Innstillinga pkt. 4 vart samrøystes vedteke.

Kollbotn sitt forslag pkt. 5 fekk 2 røyster (R, PP) og fall.

Andersen sitt forslag pkt. 5 fekk 3 røyster (U, FNB, PP) og fall.

Davies sitt forslag pkt. 5 vart vedteke mot 2 røyster (U, FNB)

Innstillinga pkt. 5 fall mot 15 røyster.

Innstillinga pkt. 6, 7 vart samrøystes vedteke.

Innstillinga pkt. 8 fall mot 15 røyster.

Indrevik sitt forslag pkt. 9 vart samrøystes vedteke.

### **Innstilling**

1. Fylkestinget vil prioritere musea som viktige regionale kulturinstitusjonar. Ein legg til grunn at staten tek hovudansvaret for drift, investeringar og vidare utvikling av musea, og samtidig legg tydeleg vekt på politiske prioriteringar i fylkeskommunar og kommunar.

2. Fylkestinget er uroa for den økonomiske situasjonen i institusjonane, og krev at statleg skeivdeling mellom musea i Vestland og andre deler av landet vert retta opp.

3. Fylkestinget ber administrasjonen om å komme tilbake med framlegg til ein ny heilskapleg regional museumspolitikk. Dette må skje i samband med den komande stortingsmelding om museum og arbeidet med regional kulturplan.

4. Fylkestinget vil arbeide for å utvikle ein regional heilskap på museumsområdet, der ein ser ulike initiativ i samanheng på tvers av institusjonane, og der deling av ressursar og kompetanse vert lagt til grunn som hovudprinsipp.

5. Fylkestinget ser at museene i Hordaland har et prekært behov for nytt fellesmagasin.

Fylkestinget ber fylkesrådmannen utrede alternativer for organisering av bygging og eierskap av et framtidig museumsmagasin. Det bes om utredning av følgende:

- Vestland fylkeskommune som eier og byggherre av magasinet.
- Museene og eventuelt andre aktører som eier og byggherre av magasinet.
- Eventuell annen eierform og/eller byggherremodell.

I utredningen må det gjøres rede for økonomiske konsekvenser av de forskjellige eierformene (herunder også eventuelle muligheter for momskompensasjon o.l), konsekvenser for prosjektstyring og økonomistyring, krav til kompetanse og andre spørsmål som måtte være relevante for prosjektet.

6. I samsvar med vedtekne regionale planar vil fylkestinget saman med stat og kommunar bidra til å styrkje Bevaringstenestene ved Museumssenteret i Hordaland og musea si samlingsforvalting. Av omsyn til den samla ressursbruken vil fylkestinget rå til at ein samordnar alle slike initiativ i musea med Bevaringstenestene.

7. Fylkestinget tek arbeidet med utviding av bygningsvernkonsulentordninga til vitande og legg til grunn at dette gjerast i samsvar med vedtekne regionale planar.

8. I lys av koronapandemien og usikkerheita det har medført og vil medføre framover for sektoren, vil fylkestinget oppmode om at musea framover fokuserer på å styrke den digitale formidlinga, styrking av fagkunnskap og korleis ein kan halde fram med å nå breiare ut til publikummet i heile Vestland